

武英殿聚珍版書

吳興府志卷之五

直齋書錄解題卷十六

宋 陳 振 孫 撰

別集類上

宋玉集一卷

楚大夫宋玉撰史記屈原傳言楚人宋玉唐勒景差之徒蓋皆原之弟子也而玉之辭賦獨傳至以屈宋竝稱於後世餘人皆莫能及案隋志集三卷唐志二卷今書乃文選及古文苑中錄出者未必當時本也

枚叔集一卷

漢宏農都尉淮陰枚乘撰叔其字也隋志梁時有二卷亡唐志復著錄今本乃於漢書及文選諸書鈔出者

董仲舒集一卷

漢膠西相廣川董仲舒撰案隋唐志皆二卷今惟錄本傳中三策及古文苑所載士不遇賦詣公孫宏記室書二篇而已其敘篇略本傳語亦載古文苑仲舒平生著書如玉杯繁露清明竹林之類其泯沒不存者多矣所傳繁露亦非本真也

劉中壘集五卷

漢中壘校尉劉向子政撰前四卷封事竝見漢書九
歎見楚辭末請雨華山賦見古文苑

揚子雲集五卷

漢黃門郎成都揚雄子雲撰大抵皆錄漢書及古文
苑所載案宋玉而下五家皆見唐以前藝文志而三
朝志俱不著錄崇文總目僅有董集一卷而已蓋古
本多已不存好事者於史傳類書中鈔錄以備一家
之作充藏書之數而已

二十四箴一卷

揚雄撰今廣德軍所刊本校集中無司空尙書博士
太常四箴集中所有皆據古文苑而此四箴或云崔
駟或云崔子玉疑不能明也

蔡中郎集十卷

後漢左中郎將陳畱蔡邕伯喈撰唐志二十卷今本
闕亡之外纔六十四篇其閒有稱建安年號及爲魏
宗廟頌述者非邕文也卷末有天聖癸亥歐陽靜所
書辨證甚詳以爲好事者雜編他人之文相混非本

書

陳思王集二十卷

魏陳王曹植子建撰卷數與前志合其閒亦有采取御覽書鈔類聚諸書中所有者意皆後人附益然則亦非當時全書矣其閒或引摯虞流別集此書國初已亡猶是唐人舊傳也

陳孔璋集十卷

魏丞相軍謀掾廣陵陳琳孔璋撰案魏志文帝爲五官中郎將及平原侯植皆好文學山陽王粲仲宣北

海徐幹偉長廣陵陳琳孔璋陳畱阮瑀元瑜汝南應
瑒德璉東平劉楨公幹竝見友善自邯鄲淳繁欽路
粹丁廙楊脩荀綽等亦有文采而不在此七人之列
世所謂建安七子者也但自王粲而下纔六人意子
建亦在其閒耶而文帝典論則又以孔融居其首并
粲琳等謂之七子植不與焉今諸家詩文散見於文
選及諸類書其以集傳者仲宣子建孔璋三人而已
余家亦未有仲宣集

阮步兵集十卷

魏步兵校尉陳畱阮籍嗣宗撰籍瑀之子也

嵇中散集十卷

魏中散大夫譙嵇康叔夜撰本姓奚自會稽徙譙之

錕縣嵇山家其側遂氏焉取稽字之上志其本也

案晉

書本傳錕縣有嵇山家於其側因而命氏此云取稽字之上蓋以稽與稽字體相近爲不忘會稽之意文獻通攷作取稽恐誤所著文論六七萬言今存于世者僅如此

唐志猶有十五卷

張司空集三卷

晉司空范陽張華茂先撰前二卷爲四言五言詩後

一卷爲策祝哀誄等文

陸士衡集十卷

晉平原內史吳郡陸機士衡撰

陸士龍集十卷

晉清河內史陸雲士龍撰太康平吳二陸入洛張茂
先所謂利獲二俊者也遜抗之後而有機雲可謂代
不乏人矣然皆不免其身才者身之累也況居亂世
乎機好遊權門抑又有以取之耶

劉司空集十卷

晉司空中山劉琨越石撰前五卷差全可觀後五卷
闕誤或一卷數行或斷續不屬殆類鈔節者末卷劉
府君誄尤多訛未有別本可以是正

陶靖節集十卷

晉彭澤令潯陽陶潛淵明撰或云淵明字元亮大司
馬侃曾孫自號五柳先生世稱靖節徵士

陶靖節年譜一卷年譜辨證一卷雜記一卷

吳郡吳仁傑斗南爲年譜蜀人張縝季長辨證之又
雜記前賢論靖節語此蜀本也卷末有陽休之宋庠

直齋書錄解題卷二十六
序錄私記又有治平三年思悅題稱永嘉示以宋丞相刊定之本思悅者不知何人也

鮑參軍集十卷

宋前軍行參軍東海鮑照明遠撰世多云鮑昭以避唐武后諱也沈約宋書李延壽南史皆作鮑照而館閣書目直以爲鮑昭且云上黨人非也

謝宣城集五卷

齊中書郎陳郡謝朓元暉撰集本十卷樓炤知宣州止以上五卷賦與詩刊之下五卷皆當時應用之文

衰世之事可采者已見本傳及文選餘視詩劣焉無傳可也

孔德璋集十卷

案文獻通攷作一卷

齊太子詹事山陰孔稚圭德璋撰北山移文其所作也

沈約集十五卷別集一卷又九卷

梁特進吳興沈約休文撰約有文集百卷今所存惟此而已十五卷者前二卷爲賦餘皆詩也別集雜錄詩文不分卷九卷者皆詔草也館閣書目但有此九

卷及詩一卷凡四十八首

昭明太子集五卷

梁太子蕭統德施撰

何仲言集三卷

案文獻通攷作二卷

梁水部郎何遜仲言撰本傳文集八卷館閣書目同
今所傳止此

江文通集十卷

梁散騎常侍江淹文通撰

庾開府集二十卷

周司憲中大夫南陽庾信子山撰信肩吾之子仕梁及周其在揚都有集四十卷及江陵又有三卷皆兵火不存今集止自入魏以來所作而哀江南賦實爲首冠

稽聖賦三卷

北齊黃門侍郎琅邪顏之推撰其孫師古注蓋擬天問而作中興書目稱李淳風注

唐太宗集三卷

唐太宗皇帝本集四十卷館閣書目但有詩一卷六

世說新語金角是
十九首而已今此本第一卷賦四篇詩六十五首後
二卷爲碑銘書詔之屬而訛謬頗多世所傳太宗之
文見於石刻者如帝京篇秋日效庾信體詩三藏聖
教序皆不在又晉書紀傳論稱制曰者四皆太宗御
製也今獨載宣武二紀論而陸機王羲之傳論不預
焉宣紀論復重出其他亦多有非太宗文者雜廁其
中非善本也

東臯子五卷

唐大樂丞太原王績無功撰績文中子王通仲淹之

弟也仕隋爲正字嗜酒簡放不樂仕進晚以大樂吏
焦革善釀求爲其丞不問流品亦阮嗣宗步兵之意
也革死乃歸於所居立杜康祠爲文祭之以焦革配
自號東臯子其友呂才鳩訪遺文編成五卷爲之序
有醉鄉記傳於世其後陸淳又爲後序

盧照鄰集十卷

唐新都尉范陽盧照鄰撰以久病自沈潁水

駱賓王集十卷

唐臨海丞義烏駱賓王撰賓王後爲徐敬業傳檄天